


福惠全書



				漢書門
二	二	三	三	
二	二	三	三	
冊	架	函	號	類

八之十一

庫文閣内			
三	二		
五	函	架	
内閣文庫			
番號	漢	2421	
冊數	12(4)		
函號	297	39	

共十二



福惠全書卷之八

漕項

漕項收分

漕糧一項惟江浙江西湖廣并山東河南等省有之而江

浙才武首甲東南故漕糧居各省之半而為漕之害亦居



首甲之半然其為害之端諸省既規條實雖有不同至于

倉管盜音受世子昆江竟先蒙勾兩旗用需索留難

水壓鄉賤則是處皆然也今幸官收官兌旗丁之虎惡少

裹而該管監收水次開兌其糧亦不能脫然事外而傳

福惠全書 卷之八 錢穀部



游于鄉井也。今姑以陋弊數端，擇其宜禁絕者，列之于左。

輸糧便民

凡州縣糧倉多在城中，然四鄉距城寫遠，東南非北地，平原周道可以車運，驢駝東南州邑多在山陬，險阻崎嶇，計一人擔負僅能四斗，若糧有十石，須得二十五人，而加耗飯米不與焉。及至城中不能露處，也又須歇寓，不能即兌也。又須守候，其間收受保無倉胥之勒索乎？往返動須數日，農事未免荒廢。倩僱之人計日算工，是家有十石之糧，必得過半之費，民其何以堪乎？計莫若距城近者，仍縣倉收貯，距城遠者聽民于本鄉適中及通水之處，就便建倉，每值收糧之時，管糧官預期傳檄，刻日收受，則鄉民輸將既易，其費亦省矣。

倉收陋弊

凡百姓上倉交糧，正糧之外，有加耗，有茶果，有倉書，斗級紙張，量斛，看倉諸費，及起運水次，又派有水脚，墊船，神福等費，此亦常情，所不能免也。至于城倉，有種胥蠹而棍勾哄糧戶為其歇家，始則加意款待，一應上糧收票，俱其代為料理，糧戶可以安坐而畢事，及其繼也，以彼為可信，倉

糧代買上納銀則折乾使費盡行包攬糧皆掛欠迨出票
差拿彼復托故潛匿而糧戶啞苦重賠甫及銷差而仍然
盤踞剝蝕不休此倉歇之爲害也又有倉胥積惡指稱米
色雜碎措勒不收或串同斗級踢斛淋尖指稱欠數停閣
倉收此倉蠹之爲害也甚至糧官不肖輕信奸書受賄不
事曬場寬徇勢豪面情責償良懼種種陋弊不可枚舉計
惟各嚴嚴點經收倉書務遵殷慎凡到倉上糧俱合糧戶
親納不許倉歇包攬仍嚴行拿究地方驅逐毋得容留倉
廩左近窺探生奸至于倉胥收糧驗明米色乾淨卽與平

斛收兌毋許借端留難恣意淋踢其糧官凡遇收糧每日
坐倉親加驗看揚曬乾淨封鎖嚴密收完之後看倉吏役
取各廩收過實數不致短少甘結存案庶納戶不致擾累
而糧儲可免侵漁矣○按開徵之時經收宜日日在廩倉
總須日日在倉多置撮箱斗斛以便速收如有堆頓廩外
印官到倉卽要查問是何緣故若經收不在或勒指使費
立拿究責其收糧簿照依收銀流水循環填寫送查在城
仍打日報存查比期酌糧多寡定限糧串亦依銀票用完
再發

糧米派兌

凡運船到次雖云官兌而各販所收原記某圖某里俱有糧長經手但糧長多係鄉民未免市城積棍出身代理其中奸弊遂因之而生其最可惡者一在串通胥役有糧數百石者分派各船受兌米既零星折耗不免分頭照應耳目難周一在串通旗甲將強有力者之糧賄買好幫次撥兌弁丁顧情廉價不致格外多事將懦無勢者之糧分撥壞幫次弁丁皆屬貧苦百般恣意苛擾明要糧戶懼彼神通不得不爭為央託說合講錢無論糧之多寡人之貧富

但難出其套中若印官有風力者總是闔縣糧米眼同通官親為掣屨受兌不得任憑旗甲揀厥及倉胥私撥零分如前積棍嚴拿重責枷示則甚派買幫之害可除矣

米色刁難

凡弁丁水次領兌正米之外例有耗米又有耗外贈貼及負重厓駁等費其如橫甲刁軍因改官收官兌無處苛求糧里但至臨倉之時串通管兌經承倉蠹故嫌米色不堪勒令曬颺加貼以致押差保欺乘機講兌官贈之外另派私津及吃茶會話制斛洗燥種種名色恣意剝稍不遂

意動輒鼓噪以惡糧壓派挾制縣官以遲兌悞漕恐嚇愚里有司恐碍考成只得粧聾作啞任其魚肉近雖有監兌廳尊不過下倉點卯樣米呈驗安能代合襄勞自取煩擾以故小民一石之糧費用浮于正數其善為計者惟在糧戶上納印官不時親臨而驗米色委係乾圓潔淨方准交收稍或雜碎務須倍加颺扇不得徇情受賄倘有倉胥得錢盤收及倉蠹侵偷私攙糠糶抽駁盤驗重究枷革仍令賠補庶不致臨兌貽累經里而旗丁亦無獲可乘矣

嚴勒開幫

凡值開兌將近印官先期出示將一應漕兌事宜照舊規預為料理齊備否則運船一到擁擠河干旗丁水手千百成羣騷擾喧嘩殊非法紀印官宜諭地方探報隨到隨兌免畢即取弁丁印甘結狀申報開行日期催僱遠離口岸不得阻塞河路庶人少勢孤勿致恃眾橫行尅期受兌可免遲留滋擾矣

雜課部

總論

雜課亦有全書開載者但有額無額之分耳各處款項不

一徵收亦不一其中有解司解府者有增入地丁一例起運者大抵無額之項除起解外稍有羨餘為廉吏以佐公用但經承歲有常規大半為其侵蝕若加意釐清是亦泰山不讓土壤之道耳

顏料匠班

顏料藥材曆日榜紙狐皮牛角匠班等項載在全書歲有定額然各處有無不同但該承指稱解費盤脚科派頗重舊從地丁派徵者責在排里不得濫派舊從本色目人等派徵者責在經承毋許私索至由排里徵收者只宜附入

條編單內一回催比不必另差以省煩擾

當稅

當稅每鋪原例五兩甲寅軍興增倍每鋪十兩另批起解若本商自解僉名領批按限解繳又有私押暗當未經納稅經承陰受其賂購官不報宜出示曉諭現在納稅者即為官當許鋪門懸牌將典名並商人姓名造册送查存案如不納稅即為私當許諸色人等首告究實仍照漏稅律治罪如鄉曲貧民以農具器用押貸米穀糧食者不在此例

田房稅

田房稅契隱漏尤多若遇編審之年推收過戶間有以田契稅印者又州縣離任之時紳衿討情衙役乞恩以田房二契用白印者此陋弊處處皆然不可破也以大縣之田房交易何日無之日以百金計歲即數萬計稅銀當不下千金今州縣一年報稅竟爾寥寥其隱漏可勝言乎宜將本縣官牙若干名造花名存案凡有田房交易定由官牙書名畫押交易三日內官牙具單報縣每月有無交易官牙朔望當堂親遞甘結如扶同隱漏官牙拿究業主依律

科罪若鄉村鎮集著落地方里甲首報如違照城牙業主依律並究須先出示曉諭則人知畏法而報者必多矣

牛驢雜稅

牛驢牲畜烟包布花酒麪等稅交易之所收也例有牙行經紀評價發貨凡城鄉貿易之處置一印簿發給該牙行經紀逐口逐起登簿收稅如不登簿即以漏稅查究然貿易多寡之不時陰晴之無定奸牙得以藉口隱匿十僅填其一二太嚴恐其多索貿易之人太寬徒飽奸猾之輩亦惟時出不意以稽察之使其不致其欺則可耳每簿止定

數張朔望繳換內衙查記收報之數舊簿存衙不必發外

牙稅

牙稅乃市儈之身帖以一帖凡蔽數十人蓋無帖私幫有帖以為影射該房受其賂而不舉若此人不當招下手頂名執帖又與該房分享其利而不換新帖是一帖不惟蔽數十人而且可頂換數十人也惟暗查排門烟戶冊看其生理而摘發之是亦一策也

門攤稅

凡城市臨街鋪面前隙地有支棚擺攤賣雜貨生理者晚

則收歸早則鋪設有司以為貿易取利宜輸官錢名之曰門攤稅然此皆窮民小本藉之為糊口計本舖既索地租而官又分其微獲將安忍乎邑如有此宜除之以示慈惠

漁課

湖蕩近水之地多有漁船收稅或橋埠漫壩以取魚為利亦得收稅是為漁課多寡按例可也

鹽課

州縣之有鹽課者乃商人認地行鹽領引辦課而有司以之為攷成者也然上課而後領引責在商人疏鹽而銷引

額責在有司。但近產鹽州縣民間利食私鹽以買官鹽可食私過倍以故官鹽往往不行商以屬本詎之經理院司遂嚴檄下屬以疏鹽銷引而副考成有司以引鹽壅滯不得不督之百姓買食官鹽而小民無知遂謂有司受商賄囑致騰怨謗此有司之所以兩難也計惟欲疏官鹽在嚴禁私販欲禁私販在嚴比巡役私販絕而百姓豈能淡食乎此不必督之買而官鹽自疏額引自銷又何考成之弗副哉○按銷引一事最要留心商人每年行過額引例須截角繳部方准奏銷然州縣每以爲商人已事漫不經意

或商人將殘引已繳運司運司或事故陞遷未經總部而司竊勾通商棍以殘引並不截角反另更私截以影行別地之鹽及至鹺院查提殘引杳無踪跡竟作十分未完州縣蒙寬刊職將誰訴耶故曰銷引最宜留心者也法宜本年銷過引目令商送官逐張查驗不少具批起解運司或本商或差役按限掣批存案日後運司沉閣司竊作奸我則有批爲據其不繳部之愆自在運司州縣可免于查議矣又州縣地方有鹹水並鹹土皆可煎熬成鹽者不過窮民煎食久而煎者日多上司行查遂有報名收稅謂之士

通志全書 卷之八 雜錄部

鹽稅又有舊額鹽糧與秋糧折色一例徵銀謂之鹽銀其有無應徵之數俱查例行可也

蘆課

江南湖廣江西等省沿江海河湖州縣兩岸產蘆瀰漫延亘二千餘里謂之蘆洲其洲皆係官地非若田畝可用償而售故民納課收蘆謂之佃戶勝國時有藩勳賜地今悉併歸民佃然洲有坍有漲有隱占坍則應豁漲則應陞隱占則應報增于是清丈之議興其地有密蘆有稀蘆有泥灘有水影有草蕩密蘆則上地稀蘆則中地泥灘則未成

洲水影則形將方漲草蕩則漲未生蘆于是輕重之課殊然而清丈所以利陞漲以補坍課額無虧而民不偏累舉隱占以增課國帑既裕而地畝亦明洵為良法不可少也然而清丈之所以害蠹胥圩長因緣為奸漲者未實陞而坍者仍然賠累隱占者未實報而公賦久被侵欺至于委官按部佃戶供應為煩公館舖陳下程茶果與夫跟隨酒食使費常規已屬不貲稍不如意則蒙官別勘任其淹留守候虛糜金錢卽或覆畝來查無論水蕩泥灘俱歸繩尺若是之為累其又不可已乎先是定例五年一清丈康熙

二十二年安徽方伯龔公入覲條陳坍塌俱屬臨邊止將
臨邊丈量幅裒免丈以省煩擾奉有 俞旨及二十八年
制府傅公疏陳委官丈量無益止令本州縣印官照例據
實清丈亦奉 俞旨是兩公前後敷陳可謂造福于民者
多矣 蘆課舊例工部專差部員設江寧蘆政衙門董理
徵收近則歸併各州縣徵解藩司其課歷年壓徵十日前
算刻由單由府詳司院報部至十月開徵以蘆于冬時水
涸方可收獲也按邇來京師寶泉寶源兩局鼓鑄銅劬有
于江蘇藩庫動用蘆課銀兩若干採買之文不謂州縣于

佃戶名下照課派徵是又課外徵課數年以來佃戶以此
受累不淺聞曾經屢控藩憲近日始得邀恩概與蠲除也
○江海漲沙亦有不徵蘆課者隸鹽場則名沙場電戶佃
種場官徵解隸州縣則名沙田人民佃種州縣徵解大約
水影初漲須俟草長方可墾報三年起科查丈之時不必
直量至水以其地多核畝且近水易坍將來包賠累佃而
催呼亦未易也大抵清丈洲場與田不同兩厓拍浪驚濤
崩頹每輒數百丈較之泥沙淤漲積漸而成其遲速居
何等也與其用嚴毋寧過寬亦利人自利之道乎

軍田

軍之有田自漢之屯戍始嗣是唐之府兵宋之營田明之衛所皆以卒伍墾種自給雖納有籽粒草束起科甚輕本朝因明之舊近始裁省衛所并歸州縣而糧亦略舊則徵收頗為稱便順治間以各省荒蕪甚多遂建興屯之議設興屯道王之募民耕種給之屯本或三分取一或均半分灶是又變軍屯為民屯矣未幾旋罷然軍屯以實邊儲民屯以收地利皆倚國強兵之要道也夫欲行之有利無害亦必法與人而兼善哉

新墾

夫新墾之地有官令民開報者有民自首者有墾荒邀敘者從前官令民報多憑里甲之口或妄開鄉戶強派新增或虛捏花名糧飛闔縣此蓋胥里承望風旨為本官加級優陞之徑不思一經入冊于載難除是名場之幻骨已灰而舊游之怨聲長厲與言及此寧無悚然至于墾荒邀敘原為功名希圖捷獲有遠赴他鄉投墾有查開數等連陞其地非買他人隱熟彼因獲利以逃欺即經本處開荒屢被薄售而自認在目前不過頂名代納錢糧迨久之必成

前集全書 卷之八
棄壞致累包賠以斯弋仕詎曰可平惟民之自首田爲世業糧屬應增三載陞科疇謂不宜夫朝廷之正賦義所當清而節屋之生謀尤爲堪念與其厚斂于國何如歲富于民况忍以百姓之脂膏爲博一身之榮顯乎故爲民父母者寧爲政拙之陽城弗效僞增之膠相天道昭明美報斯在所謂失之東隅未嘗不收之桑榆

牧地

明南北設有岡卿秦中河州西寧等處設有苑馬寺牧丁領馬課駒撥給地畝耕種籽粒以資糊口芻菽以供飼秣

地

其後馬政漸弛牧馬爲羣頭里老作奸陰行侵占而牧丁亦漸逃亡于是有民間僣養之制牧地猶多荒廢本朝龍興民不牧馬地隸州縣者照例輸糧仍其名爲牧馬地云

更名地

明各省冊建藩封置有王莊畿輔皇莊官莊以及勳戚賜田等項至本朝近畿地上分圈八旗其畿南與屬他省者俱招民佃種自康熙八年間易爲更名地另條列入全書糧照全書徵收

學租

所謂學租及先賢祠堂書院等地皆官紳捐俸費所贖或學宮祠院之間壤可墾為田地者乃召民佃種而歲取其入以供祭祀及貧生就業學徒為之膳餼其地屬學官租多入儒學未盡徵之有司然往往為人侵占且逋租不納者非有司力為清理未能啟覈而升輸也其查之法惟各考志書歷稽碑券按原界而求之則尺寸無容隱矣

私鹽變價

凡州縣捕獲私鹽或有無人贖例即申報本府鹽廳及運司謹院人鹽并獲若無持械止以販私治罪若獲鹽亦止以私鹽報其鹽發地方具領照官鹽變價年終彙齊起數造冊具批解赴鹽院衙門掣批存卷○所獲鹽筋鹽頭內外俱登號某月日巡鹽捕役某人于某處拿獲私鹽一起人犯脫逃獲得某色鹽若干觔馱鹽驢若干頭註明毛色口齒其稱鹽時須除去包裝溷濕免累買人包賠其鹽驢俱要當堂取領付給否則該房巡役等以贏易壯無人承買又累領人包賠也

贓罰

賊罰有上司批審追贓擬罰者。有本州縣申詳追贓擬罰者。總屬徒杖以下贓物寄庫罰贖。追完按各衙門批解。批附卷。○自理所罰不過穀石存以備賑。照律所限不可過多。每年上司查取贖錢起數。開報違部。無則以一二雀角小事。俱經逐釋。並無罰有贖穀回覆。有則所開止一二件。穀亦三石為率。若太多。反有未。便。

積穀

積穀所以備荒。此司牧要政之一端。或州縣捐俸若干。為紳衿富民倡。或秋成時奉文發簿。令里甲等各戶勸輸。然

胥吏其中保無收多報少之弊。宜置簿印發。登填填定。查

明詳報。但今奉有按畝捐輸之例。積貯愈多。歛散出易之

際尤宜留心。詳見後荒政部積貯條

雜徵餘論

正項錢糧皆係解支定額。額有缺則累民包賠。徵比無法。則滋民擾害。解給不情。則上下考成所係。故徵者不得不嚴為稽覈。而防範之。蓋非苛刻居心。實怨于奸胥猾棍也。若夫襍課除有額徵未敢少寬。絲粟至于盡收。儘解原無定額。是聖君賢輔早已留有餘不盡于民。而有司亦無

所累乎考成矣若以爲此羨餘所在吾之不察將飽好胥
嗚呼是未審其情與道也雜課之于田房當稅乃有力之
交易吾雖櫛比而稽尙無損于心肉至如牛驢等項小民
日用之需若翼微蹄算買販將裹足不前民用因之日縮
而價騰牙行身帖市儈養生之具彼終歲早夜奔馳不懼
嚴霜烈日而僅獲此蠅頭以活父母妻子尤必按筋剔髓
而誅索無遺是官與胥爭搏蝕于小民矣揆之情道兩有
未安爲有司計毫末之徵惟釐太甚不必過求尤宜出示
曉諭城鄉市集牙行經紀除經本縣投認領帖外其餘念

餘窮民未忍苛察如該胥私行嚇詐毋得槩與分文以辜
本縣德意其客商凡有貿易須眼同該牙將買賣某物稅
銀若干登填印簿如不眼同登簿徑自私收者一槩不准
壇給以資中飽違者並究如此該胥不敢暗索牙行知感
牙行不敢私侵商販來者自多是又司牧留有餘不盡于
窮民者天將貽有餘不盡之報于子孫則所得寧止釘頭
之屑屑哉

福惠全書卷之九

編審部

總論

編審之時有二一在十年大造將錢糧戶口攢造黃冊進呈御覽所以重民數也一在五年均役清覈丁差所以甦民累也今黃冊停造惟五年均役直省遵行無異夫均之事亦有二一田與役並均一專均役而不均田田役並均以闕縣之都圖里甲合都圖里甲田糧之數而均分之使哀多益寡無偏多偏少之弊蓋糧由產派差照糧行糧

編審部

之數定而差亦于是定焉亦無畸輕畸重之虞法未嘗不善也然而今之民非如古井田之制計口授畝子孫相守以爲世業十年之內貧富無常鬻產時有若任便交易則彼圖售入此圖阡畝仍屬參差若買不出圖則貧產遽難求脫勢豪益復刁難此均田之所以未易言也惟專均役而不均田宜永行之而民大有賴焉然役之均亦有二一有田而有丁謂之糧差一光丁而無糧謂之力役蓋田多則糧多糧多則差多所謂差照糧行者是也乃奸豪巨猾欲減多糧而就少避重差而就輕于是花立戶名詭寄別

里而總書冊房或受人賄囑或將已田糧飛灑各戶移換斗則脫漏頃畝冒栽田地種種弊端莫可窮詰夫留心斯政者若不先除斯弊雖日求均而終無可均之日也况于審丁之際戶長之開報不實有司之陞擦無憑其弊又不可殫述者乎雖然欲除匿糧之弊惟在推收之逼清欲除匿丁之弊惟在減增之悉常而已大約南方糧重重在審役北方糧輕重在審丁以役繫于丁而不繫于糧也是在司牧者有以權衡而變通之耳花立戶名謂產本一人管業乃立數人詭名也詭寄別里謂產本坐落一里通于數里立戶以上二弊皆減多爲少避重就輕也飛灑各戶謂將丁產應辦銀糧分派他

入銀糧之內使彼代納移換斗則斗謂按田科糧米之數以田地山塘定糧米多寡則兼丁言南土之丁分鄉市北土之丁分三門九則三門者上中下也九則者上中上下上中中中中中上下下下下三門互錯而成九也派銀之法或以率分法遠減而派或止以上則派十分之五中則派十分之三下則僅派十分之二者如上則以五分分三則而又別三等多寡之數者或以下為準各則加一分彙至上上為九分者各處立法不同後換者移甲之重換乙之輕但利甲損乙課額原是不缺或將重則換輕並不移易暗損課額累里包賠漏項該謂將產業竟不入冊隱地漏糧者冒裁田地謂將已產暗造他人名下害彼代納者

○按南土糧重照產派役不重丁銀故田地雖多立一戶即是一丁丁銀多寡不遠北土糧輕照丁派差丁銀大有輕重故屆期審丁不可不慎除新成之丁例合戶長舉報

入册逃亡老絕許里遞公舉以定開除若隱擦之際增下則為中日陞減上惟視產業之增減為至公產增則家起應陞產減則家落應宜將前屆合里丁糧通盤一算約糧銀若干該有丁銀若干較量配則貧富悉均而不偏累窮苦矣○按北地糧輕丁重每有差徭俱照丁派故每丁有派至一二兩者若窮苦之人將何所取辦乎此照糧陞擦所以為至當也然紳衿之豪以包攬成風恬不為怪貧窮親友及鄉間稍裕者其田地攬歸戶下每年錢糧包為代納百姓火耗有加三加二加一不等其包納火耗亦不為減及紳衿完糧藉

編審部

日自封投櫃竟有銀色不足銀數短少者縣官若一查究
追補輒持官短長列款控告拖累衙役所以紳衿公然包
攬大獲其利而百姓亦樂于紳衿包攬者其本戶之丁卽
係紳衿供丁鄉紳供丁多至數十名青衿亦有十數丁者
每有差徭里遞不敢派及每遇編審供丁名下卽有應增
新丁戶長總書亦不敢開報若竟依糧陞擦則紳衿所包
攬之地地勢必增丁則所增者非紳衿之丁而卽包攬之
丁是又爲紳衿增包攬之丁也乃百姓見按糧增丁益懼
丁多爲累爭附紳衿者愈衆恐光丁無糧者亦求附供丁

以逃差如是窮民常處其苦累而紳衿常處其樂利矣且
里胥知以糧多寡爲匿擦又安保其不分曬他戶以多易
寡避陞而裏擦乎此又照糧陞擦亦未能盡無弊也然則
北地之丁終不可均乎夫求拘無他異術亦止丁糧並覈
與酌除供丁而已夫有丁無糧者照丁據實增除有丁有
糧者又照糧據實陞擦先嚴飭里書不許私爲增減慎選
戶長不許捏虛開報其爲丁爲糧劃然可考至于供丁之
說乃陋弊成習朝廷除免本身丁徭外非有別所謂供丁
也若一槩盡除定生怨謗于舊例之中稍爲減汰所謂爲

法去其太甚。則富貴貧賤不致苦樂失均。如斯而已。然其立法必于無弊。法立在于必行。又須素履情操。居恒政尚仁恕。優以待紳士。而嚴以馭里胥。凡為地方區畫。一皆出于至公。至明。秉于至誠。至信。而我無所執意。其間焉。於是紳衿不以刻已為怨。胥役不敢作弊。恣百姓亦不忍倖法。而見欺以之為政。將無往不可。豈又患區區之編役為不可均哉。

嚴飭里胥

每遇編審屆期。糧房里書是其一場大生意。預先勾通戶

長。受賄分肥。田糧則以多作少。人丁則賣富裁貧。如前種種弊端。牢不可破。宜于編審將屆。先傳集各圖里書及胥役等。當堂嚴為申飭。務須力除錮弊。與更新。以共副本縣。拘差恤累。至意。倘陽奉陰違。仍前作弊。查出立時處死。決不姑貸。仍取甘罪結狀存案。若臨事查出其好。即重責大枷。示眾。審完按律追贓治罪。庶奸猾里胥知儆。

慎選戶長

從來報丁戶長。多係積年奸遁。土棍鑽充。希圖取利受富。豪之賄。則應增不增。累貧窮之戶。應減不減。甚至光丁名

下。晴。灑。他。人。之。糧。審。後。仍。行。收。去。孤。寡。幼。子。增。為。已。成。之。丁。反。致。開。除。有。力。法。宜。申。飭。里。胥。之。後。即。傳。各。圖。里。長。以。十。甲。長。為。戶。長。如。甲。長。中。不。符。公。論。者。另。舉。殷。實。老。成。補。之。嚴。行。切。諭。令。其。按。甲。逐。戶。據。實。開。報。如。有。田。糧。以。多。作。少。人。丁。賣。富。救。貧。者。定。行。處。死。不。饒。仍。取。甘。結。存。案。若。查。出。奸。弊。悉。照。里。胥。懲。治。庶。前。者。懼。懲。後。來。自。不。敢。再。蹈。矣。

查原册

今。次。編。審。先。取。前。屆。印。册。勘。閱。管。收。除。在。四。柱。其。上。屆。實。在。田。土。戶。丁。若。干。果。否。與。上。屆。全。書。額。載。相。符。以。便。查。本。屆。所。造。審。册。之。舊。管。是。否。相。對。如。有。舛。錯。必。嚴。行。駁。究。然。舊。管。不。符。駁。究。是。矣。倘。上。屆。編。審。孫。前。官。經。手。其。奸。胥。得。戶。移。說。田。糧。偏。累。戶。丁。又。安。所。窮。詰。乎。是。從。前。所。作。之。弊。不。得。不。一。為。清。剔。矣。

設誓

明。有。王。法。幽。有。鬼。神。我。心。不。能。共。欺。託。乎。神。以。白。之。我。志。不。能。自。定。質。乎。神。以。堅。之。以。及。里。胥。諸。人。奸。詭。百。出。縱。三。尺。之。可。逃。語。以。神。明。豈。寸。衷。之。無。畏。當。事。于。將。審。之。先。敬。製。誓。文。齋。戒。沐。浴。率。諸。里。胥。戶。長。等。虔。詣。城。隍。神。案。



前宜讀誓詞。須並列里胥。及長姓。各考鐘擊鼓。再拜焚之。傍懷奸者。有所警惕。而不敢恣意作弊。抑亦神道設教之一端也。

首改前弊

夫編審作弊。天下皆然。倘官欠精明。全爲播弄窮戶。吞聲無冤可愬。卽或精明。此輩鬼神莫測。亦僅剔其四三。若以套視之。其于司牧。又何賴乎。宜于將審之先。通傳前屆經手圖里糧書。嚴行面諭。并大張榜示。所有前屆飛灑詭寄。及妄增丁糧。併訪本地積習。錮陋諸弊。逐款開列。許三日

內開單自首。免其前罪。俟本縣批准發房名爲改正。如仍隱匿不報。或從前被害及諸色人等。出首審實。首人重賞。本犯立行嚴處。仍取甘結存案。○其前屆自報改正者。另立自報冊一樣二本。一存房。一存宅。以便查考。

定推收

夫田有買賣。始有推收。蓋由賣者推出。與買者收管也。故有此戶推而彼戶收者。有此圖甲推而彼圖甲收者。有從前買賣未遇編審。今始推收者。然必以買契投驗印稅爲憑。有買賣已經稅契。而戶仍賣主。錢糧係賣主名下代納。

者亦必以印契投驗推收若未經買賣無故推收即為作
 弊如前屆一甲人戶彼過已隔九年下屆應輸復役乘推
 收之際寫立假契跳天十甲則又避役九年者又有本
 甲老荒歷受賠累飛入他里甲者又有將行犁熟地移入
 老荒名下使荒致日多賠累愈重者又有本處田糧假冒
 寄莊人戶希避重差者此皆或雖經買賣有此推而彼未
 無買賣而借推收以作奸也
 收者田畝隱漏錢糧竟屬虛懸有彼收而此未推者一地
 兩糧必自享無糧之田暗累伊人重納有此推多而彼收
 少者業主買贖將糧飛向他人有一戶推而數戶收者里
 書受賄明係花分躲重凡如此類將兩處推收互對不合
 立行嚴究不得輕縱長好至于推收之法須將此屆推收

業戶具呈并契送驗本官批准發房給一印票付業主務
 同兩處里書并册房賬同此推彼收將姓名田地數目對
 明登册上鈐里書推收圖記并册書業戶花押將所給印
 票交付册書俟各圖推收完日并推收册繳署查對其本
 屆推收另立一推收小册送署備查如並無買賣擅自推
 收或寫假契冒立推收者查出以作弊重究以假契之田
 入官如此前屆之弊既行改正本屆之弊又盡剔除而田
 糧丁口之推收有不清者乎推收既清即以之照糧派丁
 而丁有不均者乎至于照丁派丁又在開報之力湔其鋼

開報冊單

冊者里書所造本屆編審之冊也。單者戶長開報本屆編審之單也。本無二式。但造冊單須分各里里分各甲甲分各戶。卽以一戶言之。先查上屆丁糧實在若干。實徵銀米若干。其丁糧科則是否與銀米數合。若有舛錯。稟究改正。務與本戶原額相符。此徹底清查之法也。實在丁糧實徵銀米既清。則冊單本戶先將實在丁糧銀米開造。使與本屆新收丁糧銀米查對方知。起長若干。使與本屆推除了

糧銀米查對方知。消乏若干。以便編審時據之。以爲陸捺也。故冊單既開。實在丁糧實徵銀米。又必接開新收田地。若干。應增徵銀米若干。其新收田地科則。卽推出田地之科則也。新增銀米。卽推出田地原徵之銀米也。或上或中。或下。但照原田地科則。銀米開造。不得改輕換重。混亂科則。以致原額不清。如所收田地丁糧原有不清之處。查出。嚴究里書業主。務須改正。此開造編審新舊丁糧之大要也。至于本戶人丁。照糧原派實在丁若干。實徵丁銀若干。今新收田地若干。應增丁若干。實應徵丁銀若干。其增丁



之法總計闔縣地丁銀若干內丁銀若干計地銀若干應
派丁銀若干今所增丁銀大約以上中下分為九則如糧
銀一萬兩該丁銀三千三百兩是每糧一石約銀一兩一
錢有奇則計糧九斗應派丁一則徵銀三錢三分有零九
斗以上照糧遞加其增糧者既陞則減糧者應擦但陞宜
取多擦宜取少恐有缺額若擦多則後難增補陞以九斗
為準擦以一石一斗為準如所減之糧不及一石一斗不
在擦則其光丁力役俱照下下則每丁止徵銀二錢四分
天陸擦之說大槩如此陸擦之數既定則冊單于新收所

新

加

推田糧根米之後按九斗遞加之則應陞丁若干應增丁
銀若干按一石一斗造減之則應擦丁若干應減丁銀若
干俱可預為決造其逃亡老絕有無田地俱按戶照式開
造俱俟本官臨審再為酌定此文開造編審陞擦丁則以
派應增應減之大要也一戶如此戶如此一甲如此甲
甲如此一里如此里里如此每甲造完之後首戶要一里
總合十戶以定甲合十甲以定里合十里以定圖合各圖
以定一縣之田地丁糧以一縣之田地丁糧合本屆新收
新推丁糧之數照原額加丁若干增丁銀若干務期有增

編審部

派員全書 卷之九
無減方合編審之例其冊單照式開造一縣田地丁糧之
原額以及除減新增瞭如指掌執此以爲審定無難矣○
冊單各甲造完須送宅先查冊單是否相合并以上逐款
磨對無差然後發出候審如有一款不合卽傳問錯則准
改弊則重究

立局親審

編審冊單磨對既清須十日前大張告示預示審期其期
又須視州縣衝僻里分多寡以爲遲速其審局或城隍廟
或公館務須寬大及局前廣闊之地免致逼窄擁擠審期
須分四鄉一日幾里預先酌定曉示俾各里按期而至免
其住城守候及老病鰥寡久留之苦審某鄉某里某甲其
新舊里書冊房俱執新舊冊單伺候查勘臨審前三日出
示局前其本縣編審茶飯俱係自備並不用里下一文其
於應陞應捺俱係不縣照糧準則詳加酌定並不假手他
人恐有奸胥猾棍私行科歛許諸色人等首告嚴拿重究
以杜絕騙端所有生員非係本身之事不得代人呈稟亦
宜懸示通知其審局務宜肅清不許閒雜擁立階下喧嚷
把門皂隸嚴行驅逐如審某里某甲本甲戶長先投戶單

逐戶喚問其名下田地糧石是否與戶單相符看其人係鄉愚乍見官府有不能答對者如係租狀恐是頂冒應點查出定同戶長重責又有好詐之徒于喚審時或破衣輪流穿扮粧扮窮人或利口能言騁其巧辯希圖擦免者均應重責其新報成丁不因糧起是爲力役止編下下或有纜報新丁卽收糧名下者乃是册上糧多之人恐要陞則故行詭寄查出照詭寄重責治罪雖係父子亦不准行恐混亂成規奸猾因而作弊其新丁例係十六歲方許開報如幼小不成丁及女子俱不准行凡有此等必係將成

丁隱漏以幼小子女搪塞務須喚問里書里長等嚴詰戶長如有賄漏自家說出免罪如係里長等報出將戶長重責枷示仍行追贓與受一並治罪如俱不供報取里書等連名甘罪結狀存案如有發覺併行究處其絕丁無田糧者應與開除逃亡之丁係何年逃去何年亡故有無田糧子弟若有成丁子弟卽應承糧報丁將逃亡之丁除如無成丁子弟止有田糧田係何人承種卽應頂認逃亡之丁其老丁年逾六十子報成丁應與開除若無成丁且有多糧狀未衰憊似未可輕除恐六十輒除新丁開報者少

缺額則未便也。其逃絕之中丁尚掛籍地，又久荒糧係里甲包賠。此等荒地應着地少有丁之人領去開墾，糧併名下丁與豁除。若真正老荒無人領墾，年年里甲包賠。應改地差概編下下，以少恤賠。累若荒地零星向俱編丁者，准令歸併一丁名下，或承墾或公攤，更省多丁之累。若別縣民來此佃種，名曰寄莊，例不編丁。以彼縣原有丁差也止。納差銀如每糧九斗約丁銀三錢三分九斗已上，該丁下中丁銀便是六錢六分有零矣。若納地差止銀二錢四分，故假冒寄莊為多審時，遇有地差指稱寄莊者，必嚴審何縣人民何年買賣承糧有無印契，推查出捏冒。定行按糧編則仍將開報并責其寄莊戶有丁者，必五年之內買產連丁俱過。今既編審銀數無多者，丁與開除各里審畢，恐有新丁未報，應除未除着里書戶長等并鄉約地方俱具並無受賄隱漏及偏累孤貧等弊。如日後發覺甘罪結狀存案。其按審戶單除實在田地銀米外，如新收田地銀米與所定丁則相符，即用硃筆將陞過銀米丁則連點而下，新推擦減之數亦硃筆如前連點。其新丁與逃亡老絕之丁俱用硃筆于逐名下親書增除，仍查新丁若干除

免若干書總數于單後。將本日審過戶單若干張封押。隨帶內衙登記。審時遇有孤窮殘疾之人不在除例者。另暗記之。審畢通盤打算。如增丁數多。亦准與除豁。出示曉諭。并示本鄉。

審後出示

編審既定。除原額不動外。所有本屆陞擦增除丁糧。按里逐戶明白開列。出示曉諭。通知其中陞擦不合開報不公。里胥作弊受賄等情。許出示三日之內。指名據實呈控。本縣准與審理定奪。如並無枉累。妄行瀆擾。定行重責。枷示不貸。

攢造審冊

攢造審冊。即將逐日審過各里甲紅單。照造冊稿。分立舊管新收。開除實在四柱。即如一户某人。人一丁。舊管田地若干。銀米若干。新收田糧若干。銀米若干。照糧應陞丁銀若干。無開除。即于開除下註。無今舊管新收二項。實應徵丁銀若干。如係擦減之戶。即照擦減。仍照四柱填造。如紳衿丁。係優免。除丁註優免。其糧丁一例。按派。其紳衿供丁酌量。情免若干。糧丁亦一例。照派。各甲首繫一本。里總

富惠... 審冊

福惠金書 卷之九
數各里首繫一本圖總數各圖首繫一合縣總數俱照四
柱開造冊書等磨對與紅單相合送內衙磨對無差取具
總里書冊房等甘結存案方發房攢造一樣若干本除申
送該衙門外一本存房一本存署備查

編審餘論

編審定例五年一屆蓋五年中田土不無別售人丁不無
消長所以編次而審定之要使糧無偏累丁有均齊也然
而力役之征專在人丁猶復計糧派差者有丁者皆庶民
而多貧苦有產者皆巨族而多富足若棄糧而止論丁是
竭窮忙之脂髓不足供公家之徭役而擁連陌之膏腴反
得享安坐之樂佚矣故揣計丁不若兼計糧之為至當至
公也每見北方紳衿止完任土之正賦餘無所問惟百姓
獨肩力差終年畢世罔有休息况猾里奸胥復多科索其
苦有不可勝言者若照南方按糧派差誠百姓無疆之休
而紳衿勢豪則未有不恣謗興譁者夫公事之差非所當
有一切縣官承應以及胥役指公科斂需索嚴行禁絕官
惟飲水更知守法百姓且自安于無事矣又何紳衿勢豪
之是慮乎然丁差之奉行已久一旦更張勢有極難亦惟

存其議耳。夫人丁視原額若干，不宜妄增。往往奸胥竄誘本官，威嚇戶長，濫報及至，計算原額，溢至數千百，皆非本官貪利而私鬻，即里胥受賄而乞恩，穢跡彰聞，官箴玷。卽經以報上，每審人丁有增無減，若增輒于計百姓世受籍丁之累，而千數之丁每屆叠增，又安有窮極哉。故朝廷以愛民爲本，君子以仁民爲心，若必竭澤而漁，不遺餘惠，恐非上體。聖仁下失古處之本懷也。是又弗忝芻蕘以請正有道。

夫北地糧輕丁重，以納丁而外，一切公差雜派皆出于丁。

此丁之所云累也。南土糧重丁輕，以納正賦而外，一切公差雜派皆出于糧。此糧之所云累也。然以丁糧之正理論之，糧照產輸，丁照人納，誠爲不易之經。若國有小役，計丁派夫有大役，丁糧均派，則丁與糧無畸輕畸重之弊。又何累之足云。獨是產旣輸糧，又于糧上派丁，田不生男，育女又安有丁口乎。此其爲有產者之獨累矣。若無論北方南士，其照糧派丁一槩蠲豁，則溥天戴德，寧有涯哉。然定例已久，未有敢議及者。其在。聖明離照，沛然千古之恩澤乎。○明季吳江令霍惟華，以邑徭役苦樂不均，遂親自

編修

履。或。逐。里。清。查。編。造。魚。鱗。圖。冊。升。合。無。容。隱。漏。通。計。闔。邑。田。糧。按。里。均。派。而。徭。役。亦。照。糧。均。攤。故。富。無。逃。匿。而。貧。亦。無。偏。累。至。今。賴。之。若。天。下。糧。差。俱。照。此。行。可。謂。至。善。然。安。得。有。如。霍。公。者。不。憚。勞。怨。而。使。百。姓。永。享。其。利。哉。鴻。不。厭。瑣。縷。並。識。于。此。以。俟。 高明採擇

福惠全書卷之九終

清丈部

總論

夫州縣田地之原額有缺致累包賠而為清丈者田地久屬荒蕪錢糧除豁後為民人墾種成熟未經承糧而為清丈者又或臨山瀕水漲蕩淤灘不無開墾耕種隱漏稅糧而為清丈者為缺額包賠而清丈是欲復額以甦民累也為久荒復熟而清丈是欲認新糧以足舊賦也若夫為民私耕闢土以行清丈非欲為增田裕課之舉乎然既云清

丈不獨隱占者固丈卽無隱占者亦丈也夫無隱占而亦丈是一丈而闔邑爲之騷動矣且丈則官爲履畝于是業戶有差存守候之擾里胥有利歛酒食之費弓正有囑託明庇之需而又跟隨多役辦事諸人東西馳騫以致農業廢弛稼殖蹂踐甚非所以恤民省事之意也故欲行官丈不若令其自丈既令自丈不若勸其速爲自首欲令自首不若制爲不敢不首之法法善而首自爭先其後不過爲爲抽丈已耳如是而缺足賦全漏顯課裕又何阡穡畝勸之紛紛爲哉

立丈冊

大有可慮其擾民不忍徑行清丈勸令自首彼種戶以首地則增糧莫若可隱而姑隱之爲得也今則立一丈冊之法刊刻成式令業戶自丈照式填寫而先出示以利害曉諭之如有不用印冊不照式填寫立行拿究丈出隱漏不逃自首本官履畝勸出除按律科罪外仍追歷年籽粒錢糧彼見冊式難瞞于前而履畝究追于後雖欲不自首也得乎其冊每甲一本每業戶一張每張四格可填田地四段田地多者接頁填去每業戶各丈各填雖父子兄弟

定步弓

丈田地以步弓為準其弓悉用憲頒舊式每村鄉地照式各備數張呈縣驗明印烙方許應用如有擅用大弓私增分厘者查出重究聞中州丈弓五尺為一步吳中六尺為一步或各處尺數不同悉照原頒久用者為定

責經手

刊册既定須先出示曉諭里社長鄉地業戶人等限於某日為始某日為止里社等率同業戶逐畝逐段詳細丈量遇平曠大段照式填明四至糧則如遇小坵零畝要畫地形似指為某名如所謂魚鱗册者隨丈隨填先登草册照填真册送縣不得潦草洗補改換四至糧則希圖掩飾丈地弓步不真責之弓手填寫四至糧則不真責之鄉地里長計算地畝科則不明責之圖總里書囑託賄晚增弓改則責之業戶定俱從重究擬丈册每戶後俱要寫弓手鄉

地圖里等姓名以憑抽丈丈完繳冊之時鄉地人等仍具
並無扶同隱漏如虛甘罪結狀附卷存案鄰田四至糧則
恐奸民改易以
合本丈田則開抽田多者查鄰田戶當
比推收冊與今丈冊對是否相同便見

勸自首

州縣勸令自首者蓋為愛惜百姓不忍以欺隱治罪也若
必待官親丈出而按之本律本身治罪田土入官不已晚
乎宜先出示通諭四鄉若自丈果無分厘多出即照冊式
登填以憑親掣若丈原額之外果有多餘即行自首止照
數起科免其欺隱之罪其自首以某日為始某日為止如

過期不首方行親掣

具結狀

業主自丈填冊之後恐冊係圖里等填造鄉愚漫不經心
日後且得藉口合行自具結狀投遞結後連書鄉地里社
等姓名並業主花押粘卷存案非好為煩瑣也上關

國課下為民業亦寧過于詳慎耳結狀
式附

具結狀業戶某人係本縣某都某里某甲人

為某事切某同有祖遺續置田地山塘共若干畝計若干
段在于本里本甲長某人完糧當差悉照後開坵段科則

查算並無隱漏田地移換糧則致干新例今奉查丈合
先具結報如有隱地漏糧依例甘罪所結是實

計開

第一段某項地若干坐落某里某處某字第幾號

係何科則東至某人某則田 西至某人某則田
南至某人某則地 北至某人某則地

第二段照前式
開完

年 月

日具結狀業戶某人押

弓手某人 里書某人

鄉長某人 地方某人

禁需擾

清丈之事只須大張告示並傳喚鄉地里書等率同業戶
先行自丈不必更差衙役至於鄉地等不得指稱名色科
歛銀錢招搖賄賂俱宜出示曉諭嚴加禁飭其冊式本官
捐資刊板安置公所聽民自行印刷不許需索分文

清丈餘論

夫清丈之役非奉部文則蒙憲檄卽本縣缺額累民亦須
詳請批允而後行非此未便擅舉蓋事關合邑而亦非紳
衿豪棍之所樂聞也然雖奉上行亦須視其緩急如康熙

十五年籌餉期于有濟一案是時軍需浩繁定例隱漏一畝以上卽擬徒流查出官員不次紀擢功令嚴切不得不極加勸諭履畝丈量以仰副軍國然良有司惟慮勞民騷衆先行自首之法而後繼之掣丈乃倖進之徒遂有按畝勒加指荒擅報甚至以大畝改爲小畝錢糧倍增者其後萬民沸騰各憲呼控事雖未必盡行然而利百姓之脂膏邀一人之金紫良心安在况錢糧爲永遠之累功名乃頃刻之榮又豈讀書明理者之所忍乎若夫部檄通行事勢稍緩姑觀隣屬應否量增以結其局可也每見各省老

荒乃盼國末年災傷廢業 興朝初定兵燹拋荒荷

聖天子數十年之生聚休養草萊稍有開闢是皆揭借工本婦孺力作希獲升斗以贍朝夕爲有司者承望風旨表顯才能指爲以熟作荒隱漏稅糧力請清丈于是嚴立規繩縮減弓步以小民現在承糧之田地乃一槩按畝而徑報增之朦其上則曰此老額之荒旣歸成熟可以免斯民之賠累矜其功則曰此隱漏之糧一例起科可以裕公家之賦役在上者亦不過曰復其舊額耳何傷且以增其餉也實嘉乃績殊不知版圖肇入原輸現在之租何有老荒

之見累瘡痍初復即沾額外之利無非聖主之深仁况
 以兵戈仁息之餘生小旱頻仍之儉歲于現徵之數再益
 新科縱籽粒出之田中而白蠟從何措辦是上農之所入
 不足充一稅之需吾恐天時人事稍有乖違剝肉補瘡之
 民未有不棄耒而逃揭竿而起者矣嗟嗟興言及此在事
 地方尤當為國家圖久遠寧獨為民父母區區蒼赤之
 是郵哉更有窮民于河瀕谷畔薄墾少收如前所云者猾
 棍挾詐不遂輒為首告遽報隱糧治罪則恢恢海宇竟無
 貧困謀生之地矣鴻待罪鄉東時有以私墾私煎挖礦開

治首告者鴻惡其造誣多事置而不問何也為百姓存一
 分利源為國家培一分元氣亦為自已延一分福澤也

福惠全書卷之十 終

福惠全書卷之十一

刑名部

總論

夫人情之詭詐伏匿而難於窮詰者莫過於獄訟夫獄訟之中其要者又莫過於人命盜賊逃姦諸事至于戶婚田土之屬猶其小者也考昔帝王之世五刑雖設而犯者或鮮其入心風俗尚不至如後世之奸險媮薄故虞芮之質成于文王不過爭田雀角之見咏于風人僅為婚媾至于孔子直欲使民于無訟子路遂可片言以折獄雖聖賢之

福惠全書 卷之十一
盛德明智足以感服羣情然當之今日剽掠攻擊毆奪憤爭所在皆是與夫豪強之欺壓愚懦叛逃之誣害善良誦詐多端狀態百出微獨鈞金束矢之入未能聞其無人即五刑五聲之聽詎可盡斯民之情乎故民日險偽而獄訟日繁若無所以防禁而擯發之則頽波逝流將無有底極也。鴻今彙刑名為部而先之以告理差拘審擬諸件繼之以人命賊盜逃人姦情雜犯欸犯賊私反叛八條又于八條之中分晰欸項務期獄鮮遁情民無冤累雖不敢云希聖人之無訟擬先賢之片言要亦于折獄或有微長耳

詞訟

考代書 見前蒞任部內

立狀式

考定代書所以杜謊詞也而狀式不立傍有善變慣訟之人巧設虛局並瞞代書或代書雖據事以書不限定字格枝詞蔓語反滋纏繞故狀刑格眼三行以一百四十四字為率凡告戶籍者必以族長墳產為定告婚姻者必以媒妁聘定為憑告田土者必以契券地隣為據至于強盜重罪在明火執仗竊盜重在出入踪跡俱要粘連失單人命重

在屍傷兇器亦要狀後粘單此其定式也式定則不敢脫毋以全虛字限則不得浮詞以飾聽矣若狀式有違不與准埋其正狀之外又須夾一副狀夫用副狀者何凡原告狀准發房被告必由房抄狀該房居為奇貨故意刁難視事之大小為需索之多寡被告抄狀入手乃請刀筆訟師又照原詞多方破調騁應敵之虛情壓先攻之勁勢兩牘當前殊難黑白今設副狀幅方一尺並刊印板止填註語及被証姓名住址而其詞不載焉准狀之後止發副狀落房出票拘審該房無所庸某勒索被告無所據為副制則

彼此所云機鋒各別其真情自不覺躍然于紙上矣

狀式附前格三行每行四十八字照畫刊狀單副狀俱用綿連紙印刷

告狀人 告為 事

上告

本縣正堂老爺 施行

計開

被告住里村 離城
住里村 離城
住里村 離城
干証住里村 離城
住里村 離城

兩鄰住

地方全

前村

年月日告狀人年

歲

籍住 府縣里甲 村離城 里

如命盜重情要地鄰等其餘小事應有者聽

抱告某人

代書某人

事在 赦前及年遠者不准
告人命不粘連傷兇器謀助單者不准
告婚姻無媒妁者不准
非現獲姦犯詞內牽連婦女者不准
告強盜無地鄰見証竊盜無出入形跡空粘失單者不准
告婪賊無過付見証者不准
告田土無地鄰債負無中保及不抄粘契券者不准

生監及婦女老幼廢疾無抱告者不准
告生員作証並牽連幼女稚童者不准
被告非盜命過三人者不准
狀內所告無真正年月日者不准
狀尾無考定代書姓名者不准
狀不合式並無副狀者不准
告人命粘單內不填屍傷兇器下手兇犯及不花押者不准
凡告狀不用印格眼者不准

人命傷痕兇器謀助粘單式 此單實粘告狀後

原告某人 係本屍何項親屬

屍傷某人年 歲 身 面 鬚某處傷係何物傷

被傷某人年 歲 身 面 鬚某處傷係何物傷

一兇器某物係某人犯持用今存某處已獲未獲
一謀令兇犯某人係某處人約 歲 身 面 鬚 已
獲未獲

一下手兇犯某人係某處 云

一助毆兇犯某人係某處 云

已上單報是實如虛甘罪原告某人 押
謀令助毆有人則填無則註無

副狀式

告狀人某告為某事

被告某 住處 離城 里

干証某 住處 離

兩鄰

地方 住處 離城

年 月 日 告狀人某

抱告

代書

放告

通志全書 卷之二十一 刑名部

凡告期必以三六九日爲定。或謂州縣非憲司比不宜拘
定日期。民有疾痛呼號。豈能刻待。大盜人命。保無逃逸。固
和。鴻曰不然。民之有訟。出于不得已。而後控官之聽訟。亦
出于不得已。而後准。非皆樂于有事者也。閭閻雀角。起于
一時之忿爭。因而趨告。若得親友解勸。延至告期。其人怒
氣已平。杯酒盡。茗便可兩爲排釋。豈非爲民父母者所深
願乎。至於盜命重情。則有不時之喊告。豪愆巨蠹。則有抱
牌之冤鳴。原不在三六九之限。是則無定期。以伸大屈。有
定期。以息小爭。不又兩得之哉。○凡遇告期。鄉民遠來城

市。免令守候。陞堂宜早。先爲放告。後收投文。放告時。官坐
捲棚。桌置墀砌上。安放重壓紙一枚。東角門放告狀人魚
貫而進。不許投文混入。其內逐名挨次。將狀展開。親壓桌
上。仍退跪階下。隨命直堂吏點明張數。高聲報若干張。逐
張喚名。點過甬道西。由西角門魚貫而出。點名時。有應名
不對。及舉動可疑者。卽取狀審訊。如係頂替。匿名。立時差
牌。拘拿僱倩。匿名之人。一併究懲。收狀已完。卽將白紙封
束。寫明內共若干張。呈堂。硃筆點封。門子接置文匣內。俟
轉堂時。連匣帶進內衙。如此代告。匿名。日漸自少。衙役捆

而惠全書 卷之十一 刑部
換之弊可免矣。○其喊真擊鼓者。或事關情急時。亦有之。
又有棍蠹。控通市虎。恐嚇鄉愚。索詐魚肉者。但有此等。即
差押補狀。限拘速理。是非執法公斷。不得徇情姑縱。如原
告理短。加倍重懲。則奸惡不敢輕試。而才徒。慮自斂
跡。

批閱

收過詞狀。本日即閱。先驗堂封未動。方行折開。查不合狀
式者。即批明不合某式。不准。彼知式非套設。則告狀者自
留心於合式矣。其合式者。亦宜詳度事理。應准者。判日批

准。隨將副狀。閱註語。被証與正狀。俱同。亦判日批准。紙尾
註定。承行吏書姓名。以便承發科照。發其正狀。承行紙尾
註同。其原告承行。將各房經制吏書姓名。各置一簽。用有
蓋簽筒裝定。俟批狀時。抽着姓名。隨註承行。將簽倒
放筒內。俟一筒簽俱倒盡。仍順放照前抽註。以示公。如
告假及點卯不到者。將名簽取出。俟銷假再入。惟點卯不
到者。不准復入。簽俟下次再差。以別勤惰。○其欽部憲件
自有應值房。種不可紊亂。致生推諉。倘始係兩事後。合為
一。應從重者。併卷一人承辦。事小止將卷案交明。事大將
起。止月日詞案卷件數。造冊出付。子取收訖。領狀判日。畫
押。以杜後日互相推卸。被告訴詞。不准詞狀。即將不准緣
及後有稟單。俱發該承附卷併審。不准詞狀。即將不准緣
由。批原詞上。內衙管詞狀人抄單。發該吏。并准過詞狀。即
日寫示入僉套。送僉次。早領僉貼出。其批不准緣由。務須

福惠全書 卷之十一 刑部

切當簡明不可冗長致滋議論窺測不准之狀亦宜數明封記于封上總判一日收貯恐彼後在別衙門告理以便駁查與前狀情詞是否互異○夫格狀之外又有投詞者因格狀限字故須投詞詳敘始末耳不謂狡詐之徒欲陷害怨家恐細事不准務張大其詞以聳上聽及其准後始將所告本情說出止以一二語摭入前告之事不粘不脫其中又復生波牽連多人使上官見其投詞不得罪以前狀全虛據其後詞本屬微末然前狀業為騙准是朝廷牧民之官竟為奸棍害民之具有司執法之地又為此輩侮法之場矣凡獄訟止貴初情若投詞之中又添一事又牽一人則前告分明是誑除投詞不究外仍將前狀審理如虛反坐嚴行重治則後此誑告自除而投詞亦不致節外生枝矣今之刁棍更以州縣法輕每赴督撫衙門捏詞告理一經告准姑無論審時虛實且倚上司原告勾串匪人多方嚇詐從中又為講處央求問官圓融詳覆似此良民受害更甚有司安得廉明督撫大加懲創毋為奸猾祝網其為地方造福又豈淺鮮哉

不准呈狀示式

正堂示今將本日不准狀詞開列于後

一件為某事原告某人

批 緣由不准

一件為某事原告某人

批 緣由不准

年 月 日 示

實貼照墻 如地僻訟簡用粉白弔牌寫示懸掛于署前亦可准過詞狀照式另牌示

掛號

准過詞狀必須掛號有所稽考宜于到任之時刻一印板

號簿式裝釘成簿顏曰自理詞狀號簿每期准過呈狀

付經管掛號將殊語原告被証姓名批語奉行差役姓名

填寫後列前件以便登填如何歸結是為內號內號掛訖

隨將各副狀彙入封套發承發房分發奉行 投詞呈稟俱照式掛號對

發承發科亦須掛號方發是為外號掛號訖即刻分交

不許留延滋弊查出重究每日投文內一應公文稟單另

封發承發科另立號簿登記不可混入詞狀封內倘事繁

地方恐內外掛號不及投文內止發公文上司牌票其稍

緩者次日再發亦可

內號簿式附

第 號告為 事 月 日准縮粘單

址 原告某 府 縣人住某處

被告某 府 縣人住某處

干証 兩箇

地方

承行某房吏某人 差某人于某日發票限 日銷

年 月 日訴為 事

訴人

被訴人

干証

前件某日拘到某日審訖

正面

發承發科呈狀封套式 長尺五濶七寸投文通用

仰承發科開拆點明件數

某州正堂掛號明白遵照批定房科

吏書分發遲延錯悞重究

背面

年 月 日 刻發

內呈狀 投交

件

內衙數明件數填寫明白粘口珠筆標封字于兩頭發出

差拘原告自拘附

凡刁猾地方但有詞狀即有無賴衿棍包攬料理一狀准
 出便為拜免該房諸凡照應小事零星要錢大事講寫規
 禮僉票必伊心腹串通兩處作鬼原被俱不放鬆又有奸
 惡之徒與人有隙嫉彼貲財遂買託城市光棍預通蠹棍
 虞差然後設謀興詞架虛哄准僉票八手勾連夥黨如捕
 盜賊使被告不知就理魂飛胆裂而親朋子弟代為央求
 打點彼市棍者業將被害銷閉幽室兩不通風又復故為
 着力于是傾囊倒囊未遂鯨吞乃假代為揭借重利立券

或將田房契押百不抵十然後從中處和勢壓講息其被
 害如夢初覺明知局詐然已墮其阱中雖欲鳴冤赴訴床
 頭之積金已盡家產已準算無餘又安能徒手空拳而搏
 結隊之猛虎乎惟有吞聲飲血于窮檐破屋而已其奸徒
 為計豈真有意構訟哉不過倚藉羣梟盡彼家資以快胸
 中之憤耳故司牧之賢不惟惟狀宜慎而籤差落房亦宜
 致謹也愚以為平常婚戶發房簽差照例均輪承票皂快民壯三班
 每班各置一簿每名置一簿共貯簿中應差某班某人即
 將差過名簽倒置簿中掣盡再起若有長差緣事告假取
 出名籤勿差俟銷假差回時再入若命盜重案宜將六房
 如點卯不到取出下次再入簿



三。班。中。預。擇。老。成。小。心。者。識。之。署。壁。臨。時。酌。發。差。遣。則。勾。黨。局。詐。之。事。庶。幾。少。免。○鴻昔。作。縣。遇。重。案。則。如。此。其。他。詞。皆。令。原。告。自。拘。其。法。用。紙。一。方。刊。印。同。票。式。前。刻。一。皂。隸。形。像。手。持。一。牌。上。寫。原。告。自。拘。抗。違。拿。究。八。字。後。刻。某。縣。正。堂。為。某。事。仰。本。告。某。持。票。着。同。約。地。即。拘。後。開。犯。証。赴。縣。聽。審。如。違。限。不。到。本。告。同。鄉。地。回。話。特。差。拘。拿。先。治。抗。違。之。罪。後。方。審。理。毋。得。自。悞。速。速。須。票。年。月。日。差。殊。判。原。告。限。某。日。銷。始。辭。間。有。抗。違。定。加。責。懲。自。後。亦。無。不。遵。者。更。或。事。雖。微。未。而。原。情。不。得。竟。置。者。即。將。原。詞。批。發。發。

差左報告

承。牌。示。着。鄉。長。約。地。從。公。處。釋。或。將。詞。內。情。形。略。批。數。語。使。彼。干。情。息。爭。抑。亦。略。盡。為。民。省。事。惜。費。之。意。耳。○。凡。差。票。另。刻。一。長。條。印。上。刻。本。役。如。敢。需。索。分。文。許。被。害。于。需。索。二。字。之。傍。據。實。填。註。徇。隱。者。查。出。與。受。同。罪。如。無。即。註。一。無。字。○。凡。訴。狀。只。用。原。差。投。狀。不。必。出。票。止。准。附。審。免。滋。需。擾。○。早。堂。辰。刻。收。狀。已。刻。批。閱。午。刻。掛。號。對。付。承。發。未。刻。承。發。分。付。承。行。申。刻。入。票。于。僉。套。送。僉。次。日。卯。刻。發。出。永。為。定。例。庶。免。該。承。延。捺。指。差。諸。弊。以。及。鄉。人。往。來。探。信。之。煩。蓋。告。有。定。期。即。宜。于。此。日。專。為。留。心。也。如。事。繁。狀。多。次。日。亦。

福建通志卷之十一 刑名

刑部全書
卷之十一
刑部
須批
發

比差

拘提量事之難。易人之多寡。路之遠近。定有確限。令其按期回銷。限期見在任部清號件條內。違限自應摘比。宜將各房差簿定期比較。在比者。殊筆點到酌違。限遠近行責。回銷者。即與註銷不到者。出小票止拿。原差不必改差。以滋騷擾。原差拿到必責。凡抗拘不到。已改差拿而牌上正犯。仍有不到。必該差明知必責。定受重賄。希圖破調。必重責嚴限。補拘自無不到。

銷差

凡拘提人犯。差票聽審之後。如取保者。于原票標取。仍令原差押出取保。俟歸結繳票附卷。不必另差押保。致犯人多費。其一審即結者。原差稟銷。將原票夾入口。供收入內衙銷號。粘入卷中。不得仍留差役處。以牌票未銷。猶思索取酬謝也。○凡事非重大。亦非上件。替原告逃逸者。宜徑註銷。不必緝拏。致票久留。原差之手。嚇詐在詞之人。若係本告領牌而逃者。當于案卷註明。原告帶牌在逃。仍出示註銷。令犯証歸農。以省牽累。

刑部全書
卷之十一
刑部
三

勸民息訟

地方官縱能聽訟不能使民無訟莫若勸民息訟夫息訟之要貴在平情其次在忍以情而論在彼未必全非在我未必全是况無深仇積怨胡爲喜勝爭強我之所欲勝豈彼之所肯負乎以平情其忿消矣而何有于訟以忍而言彼爲橫逆從傍自有公論何損于吾或別有挑唆無如息氣讓人便宜自在彼即受辱吾寧不費錢乎以此爲忍其念止矣而何至于訟雖然平情乃君子之行容人亦非異俗所能惟恃上之有以勸之耳然勸之道亦甚微矣世

風偷薄豈競成習三尺童子皆有上人之心一介匹夫每多傲物之態反唇詆語輒起爭端至性天倫遠爲殘毀苟或區區文告而日相勉導焉彼亦文告視之而已要即因其訟而黜萬以勸之之意乎夫兩造當前枉者常負直者常伸而無情之辭不敢駟矣訟師惡棍嚴絕其實使好無所施而弱肉之食不敢萌矣政尚清簡雀角之微親爲諭釋便和好如初而恬讓之懷油然而動矣于是強暴革心而嚮道良善感化而與仁將見德風所被比閭可封又何訟獄之不爲止息哉故勸民之道不在喻之以跡而在感之

于微息訟之本不在專求乎下而在先謀乎上也章獲鹿
禁刁訟示頗切時弊并列于左亦以見文告之未可盡廢
云

章獲鹿飭禁刁訟並訪拿訟棍示

出未信編

為嚴禁刁訟以安民生事照得訟告一事最能廢業耗
財愚人不知甘于輕試無論呈狀一入公門每為貪墨
居奇即清官廉吏聽斷無私而提解待審道路之跋涉
居停之守候斷不能免在未審之前勝負難料憂懼謀
畫不但自己焦勞凡係親屬皆累掛念乃臨審之際處

處仰面事人凡胥書役隸無不輸情盡禮囑託幫襯照
管到既審之後幸而偶勝則前此焦心勞身費財失業
將來家道定就艱窘若理虧坐罪則破家蕩產身受刑
繫玷辱家聲羞對妻子雖悔無及良可憫恨然此致訟
之由有三一種偏強之徒見理不明好剛鬪勝略有小
事以出頭告狀為才能以熟識衙門為體面此由情性
之乖戾也一種貪惡之人意想詐人遇事生風訐私揚
短未告則放風薰嚇已告則使黨圍和不遂其欲登告
無已此地方之喇唬也更有一種教唆訟棍心實虎狼

亦同鬼域原無恒業專哄平人告狀訟端既興則運用筆鋒播弄詭計代爲打點愚者落局傾財彼則暗中分扣又多首鼠兩端原被俱收掌股甚至糾衆公舉匿名揭告謀代調停撞嚇大錢道詞虛伏法罪坐出名之人而彼乃居然事外有利無累此等狡黠真不可一日容于盛世本縣日以駐郵民瘼爲心且以剪惡除奸爲任合行飭禁爲此仰軍民人等知悉除真命逃盜大案宜赴官司首告外凡係戶婚田土債負等事止應自相理諭不必輕于舉詞若一時口角細微忿怒斷該情恕理遣各安生業保守身家何得任性使刁自蹈法網至於所在地方或有前項棍徒包攬詞訟把持起滅誘善良善者地方鄉保不時據實首報以憑盡法痛處申憲決配斷不容貸凜之凜之須至示者

農忙停訟

每歲值鄉農播種之時有司懸牌大書農忙止訟四字曉諭畧前所以重農桑裕邦本也非命盜逃人重情一槩不准此係從來定例然每有刁詐之徒明知不准禁例故粧風倚醉惹禍行兇良懦受其欺凌無從控懇及至農事甫

罪氣忿已消，只得忍耐，宜諭約地，敢有前項刁徒，輕則嚴行戒飭，重則立時公首，重懲不貸，以儆偷風。

執審減刑

國家獄獄每歲小滿以後，立秋以前，流徒笞杖例從減等，所以慎刑恤民命也。故有司決責亦為折減，每十板止責八板，然每有用大板重責三十二，不等較之八折，輕杖已屬數倍，殊非敬時省刑之意矣。宜于炎暑之月，非命盜重案，不宜擅動夾拶，其一切小事衙役記責，民事可恕者免之，不可恕者薄撻，以示滿鞭之意，推而廣之，盛暑宜

於嚴冬風雪，獨非吾民乎？解衣露體，寒氣攻心，誠恐少年不戒，以及老病孱夫，保無傷生殞命者乎？鴻在東邑，方隆冬聽訟，有一老人跪階下，而體戰慄不止。鴻命訊之，對曰：病初起，冒寒故戰也。鴻亟令掖之，至廊內，以熱薑茶飲之。良久戰乃止。若待訟畢而後起，老人之命不幾斃于階下耶？故為民父母者，當無所不存其惻隱也。○先輩有不可打之條格，鴻記憶不詳，姑以愚意而妄增之，以俟 仁人君子鑒定焉。

萬壽聖節不可打

國忌不可打

年節朔望不可打

大風雪不可打

疾雷暴雨不可打

人走急方至不可打

盛怒不可打

酒後不可打

事未問明不可打

要枷不可打

要監不可打

要夾不可打

孝服不可打

孕婦不可打

年老廢疾不可打

稚童不可打

人有遠行不可打

設便民房

便民房者乃為訟事之人而設也鄉人訟事入城必投歇家其歇家非包攬官司之人即希圖賺打官司入錢之人初到某任時每公事出入見縣前酒肆飯館甚多饅餡菓列樽檯橫陳意斯地之人侈于飲食也因細訪之乃為有勢紳衿所開凡鄉人訟事至無論原被俱必寓此其內外關廂懼忤紳衿意竟無留止者鄉人舍此亦更無他駐足且既為之居停一切衙門料理輒有紀綱之僕至於求情囑託又皆主人居奇以故鄉人亦因有所憑依而羣然投止焉其酒飯食值貴數倍自告狀候准以及投到聽

審發落動輒浹旬累月而所飲之食之則干証原差在事諸人而外又有隨來之子弟探望之親友因其近千縣署則原差之幫差頭役該管之承行貼寫與夫藉名講勸之市閑插身打諢之白嚼日不下數十人及事完結算店帳已累至數十金而他費不與焉嗚呼歎歎窮民何能堪此勢必傾家蕩產典妻鬻子以償其用矣余甚憫之欲亟驅禁之因又思曰禁之不如自絕之爲愈乎乃于縣側捐俸買空地一區起蓋平房十間編爲十號外蔽以垣中開一門榜其額曰便民房使訟至男子居之垣內左側另闢一

巷起蓋平房五間編爲五號與外牆稍隔一院而不相通使訟至女子居之其龍炕釜罌盞箸之類備具居者惟攜薪米而已凡准詞次日懸示出差投到卽審審畢卽結往來在縣不過數日更張示本房前敢有胥役閒雜人等混入便民房及飯店酒館飲食訟人一文皆本縣密察嚴拿立刻枷示以光棍詐騙例治罪其房着本地方總甲執鑰照管每月捐奉米三斗不許需索住人分文某號住人臨去總甲入房點驗器物將房門鑰閉待餘房住滿再開與後來之人其器物有破損卧炕有坍塌該甲具稟本縣卽

而事全書 卷之十一 刑名部
爲買補修葺不計問之住人自是鄉民乾糧小米裹持而
來絕無他費且去任之不煩司掌而向之所謂豐節美
楹者不逾月而改爲米鹽雜貨之店矣後赴上咨謁中丞
金公詢鴻所以治邑者余并舉此以對公笑曰官有愛民
之實民受省錢之惠紳衿無禁絕網利之名一舉而三善
備矣此法宜行之天下寧獨一邑爲然哉鳴慮如此弊俗
所在多有敢附記之仰祈鑒采

禁打架

夫詞訟當官審出兩造邀集親友中之惡少以及種田佃
戶街市游手各藏短棍鐵尺金剛圈等類卽于衙門前五
相毆毆每有打傷負重另補人命新詞者無論南方北地
往往皆然殊爲惡俗可恨之甚州縣官履任之初訪有此
弊務先出示嚴禁仍于審時密諭快壯巡邏遇有打架之
人立將兇器一併拿獲稟官究責枷警庶刁惡之風可以
漸息乎近日吳越州邑有等無賴少年并糾合紳衿不肖
子弟焚香歎血公請教師學習拳棒兩臂刺綉花紋身服
齊腰短甲孤羣狗黨出入茶坊酒肆蜂游蝶舞顛狂紅粉
青樓聞他人有不便指報仇而恣搶奪忤伊兒子一睨

輒爲擯毆而折股肱號稱太歲名曰打降似此不卽嚴拿
黨風何底捕其作孽渠魁當與輿情共棄或斃之于杖下
或申報于上臺斷從三尺之誅莫有一成之法則習俗還
淳而良善獲安矣

審訟

凡差役拘到人犯于早堂帶齊先具報單並原票呈驗相
同如要犯不到原差賄縱重責嚴限補拘卽于原票不到
犯人名下誅書不字俟拿到仍責如要犯已齊一二証連
不到不必再拘致令衆人守候俟審後再拿到犯隨照單

點名過堂如單內無名混入卽問因由如係原被內必添
出有口辯之人千証內必買來作梗証之人記其姓名重

責逐出臨審時有此等混人聽審問責同卽刻掛牌示次日午堂聽審蓋

審期斷不可緩訟人臨審親族朋友遠來看審俱要款待

若再守候窮民必更多費矣○審訟必宜午堂使犯証飽

餐伺候不可點燈夜審人暮則城閉不能出起更後則夜

禁難行且黑夜闖入窺探恐有好詭之徒堂上燈燭

光明彼看最真堂下黑暗及至趕拿彼已遁身而去矣倘

起數多不能早散宜令火夫堂下執火高照儀門兩角門

早復嚴密把守不許放關雜一人擅入違者重究○審牌
既掛該承行即將原訴投稟等件挨日清理粘連成卷外
加頁面上寫某州縣一宗為某事左傍寫某年月日右上
寫某房承行某人下寫原差某人送閱如原訴投稟俱收
內衙本日掛審牌之後該吏即具稟某件于次日午堂
聽審以便內衙經管人預知即將起數亦粘連成卷每起
一束送至理刑名處先行詳看與本官逐件商酌如何審
問如何發落但堂上審問口詞亦是相機致詰未皆可預
料本官是日早堂事畢宜將應審起數由原至訴由投至

直換次看去先看原告詞內主意何在要輪他人問他人
弄在那一句自己破綻滲漏處在那一句將緊要處逐句
△出狀內人名△出地名口出月日△出欠有訴詞內如
何駁他如何剖說有理無理這邊訴的情事與原告的情
事對與不對何處是真逐一照前△口△出再投稟
內兩家辯論彼此真情自然漸露不待公庭面鞫而紙上
之原被早已得其四五及至臨審止將所記緊要處研訊
再加兩証吐供則批審導歎自然迎刃而解矣○若奉上
批審詞狀將原詞發承行抄謄送閱原批詞不可動筆審

畢並詳申繳即本縣人命盜案原詞亦不可動筆恐成具
題 欽件將來申送上司衙門○午時升堂將公座移置
捲棚必照牌次序喚審不可臨時更改恐聽審人未作准
備傳喚不到反覺非體開門之後放聽審牌該班皂隸將
原告跪此牌安置儀門內近東角門被吉跪此牌安置儀
門內近西角門于証跪此牌安置儀門內甬道下
舊例俱跪儀門外者以隔遠不令聽問也然奸人潛匿儀門畔代為觀聽指點不若儀門內使彼無從詰觀也原差將各
犯帶齊俱令大門外伺候原差按起數前後進跪高聲稟
某一起人犯到齊聽審隨喝令某起人犯進照牌跪把守

大門皂隸不許放閒人進大門把守兩角門皂隸不許放
閒人進角門如有在外窺探東西混走及喧譁者立拿並
門皂陪責動刑皂隸俱歸皂隸房伺候喚刑乃出堂上門
子二人供執籤磨墨靠柱遠立堂左側招書一人聽寫口
供最要堂上下內外肅清以便本官專心詳訊體測下情
右首折獄聽色聽辭皆就所訟言之也然古時人情醇朴
曲直現于辭色之間今人刁詐冤痛反飾于詞色之際非
我有所以折而得之彼曲直之情不我與也然其要有七
曰鈞曰襲曰攻曰逼曰攝曰合曰撓何謂鈞以我意探彼



前夏全書 卷之一
意也。彼腹中原有真情，不肯實吐。止將虛詞膚慙，而我已窺見真情。但未知的確，姑微以一語鈎之，看其如何回答。于是乎用襲，何謂襲？乘其虛而掩之也。我既鈎之，彼不受餌，仍將前詞敷衍。我却從他意料不到之處詰問之，彼必無心致對也。于是乎用攻，何謂攻？因其瑕而擊之也。所對一有空隙，我即從他空隙處連駁之，彼之情已惶然，不能自掩矣。于是乎用逼，何謂逼？因其窮而急阨之也。彼情已覺難掩，然躍躍在喉，又不肯遽吐。若此時間，官局勢稍緩，則躍躍者又將復隱。其時假作威嚴，乃拍案大怒，命取

夾棍嚇之。兩班牙爪疾呼躍出，提棒而下，則驚魂大怖，寧有不輸服者乎？然此就審正犯言之也。至于証佐之類，多係受賄買囑，不則至親好友，亦緣情誼難却。若語以辱身殉命，則未敢必也。但棍徒奸狡，最善相機，彼之口供虛實，只看上官緩急，吾則用之以攝，何謂攝？制其好而不使逞也。干証造前，上官預瞋目厲容以待，若一言不合，便欲加刑者，因擇極肯綮處嚴訊之。彼若遽爾直言，何以塞賄金之命？親友之情，彼必言辭游衍，乃即命加刑，彼自連聲稱吐如此，彼上畏官長之精嚴，不敢飾欺，下受本人之賄託。

亦已有詞矣。說者謂先喚原被後喚干証。彼將依樣葫蘆。必致互爭無已固也。夫事小者干証知無大害。何妨直言。若情關重大。縱先喚干証。彼豈肯輕出一言。而償乃公事。即故聽訟原無定法。貴在隨時應變耳。所謂合者。何以其所分而共證之也。喚原告進問。供畢。令出喚被告進問。供畢。令出喚原告干証。進問。供畢。令出喚被告干証。進問。供畢。令出。如此逐名詳問。則原告與被告所供合與不合。可知也。原告干証與被告干証所供合與不合。又可知也。其間所供皆實。惟理曲者。猶復支吾干証。是乎用以廢之。所謂

掩者。何以其眾而掩伏之也。眾口所供既定。不能為彼敗。移即彼自家子証。亦不能為之左袒。造証當前。全詞共質。彼雖有口如簧。又安能巧鼓于羣言之下哉。故善聽者干其觀狀時。先有成竹于胸。及其對簿持此七術以求之。自無遁情矣。若遇事漫無主宰。偏持已見。而公庭又多躁率妄擬是非。則嘉勝之間。其不呼覆盆者鮮矣。然此外又有所謂引之之術。引者何。欲領之使悟。而就于我也。其人所犯死而我欲生之。所犯重而我欲輕之。在彼自知所犯實重與死當堂直供無諱。已安心于重與死矣。而我所以欲

生之欲輕之之心彼不知也。即彼所以能生之能輕之之路彼亦不知也。于是因而領之于覆審定案時與云如此則生如此則死如此則輕如此則重。但汝所犯果重與死我不能為爾貸也。則其人乃大悟。未有不舍重死而就輕生者矣。然此亦因彼無仇乃鄉愚蹈三尺而特為開其一綫耳。如私鹽拒捕傷人者死。父子俱持械打仗。父實傷人。開其子因護父情有可矜。如竊盜傷人者死。失主知覺追擒跌仆殞命。開其雖為盜傷。非同格鬪。諸如此類。亦周文襄為罪人閣筆求生之意乎。

聽審時有老邁之人。令起立廊下。衰年筋骨疲憊。豈能久跪。年少嬾女。非身自犯姦。亦令僻處靜待。不可與眾人同跪。黠名養其廉恥。至于閨女斷不可輕拘聽審。已字者出身露面辱及夫家。未字者逐眾經官。誰為求聘。亦所以敦風化存忠厚也。每起問過口供。即將所寫口供取來親看一遍。恐有遺漏。緊要語隨令增添。且既經寓日。吏書此後不敢改抹。作弊審畢。判日夾入審卷。帶進內衙。應問擬者待出。審看語然後全卷發出。敘招則該吏亦不得于叙招之中再為軒輊矣。凡具和息務于臨審時當堂投遞。

不得於投到時及投文內混遞如係細事聽從民便若所
告涉于理法必將具息之人逐一喚問其中或有霸矜豪
棍倚強壓制仍將原被喚來詰問若果挾和不准具息須
審明定案以抑強扶懦

用刑

今之刑具較之前古甚輕責惟竹板鞫訊不服則夾棍棍
指辱之示衆則枷而拘繫防閑則鎖靠扭錄而已然刑雖
設而用之則有別刑具雖一而有新舊燥濕之不同輕重
死生之或異爲政者不可不知也夫竹板有三號最大有

毛頭謂之龍鬚板偶一設之所以威嚇土豪衙蠹非輕用
之物也其三號者頭號打強盜惡棍衙役犯贓私作弊者
二號乃常刑三號則比較錢糧暨鄉愚小頑之類耳至于
夾棍惟人命強盜重犯不招則用之原欲其畏痛楚而吐
真情非慘毒之以懲惡蓋自有其應得之罪在也舍此則
擅用有禁其機指雖輕于夾棍非重犯亦不可用枷者其
人之罪有關紀綱法度非一責可了方暴之于眾辱之于
市褻其頭使面目無可避所以動其羞惡之心令其悔過
而知改愆其罪使遠邇所共聞所以興其儆省之念知其

刑書卷之十一
所惡而勿爲其制本薄而輕可以負戴而行原無取於過重然此刑止可施之市井無賴若稍有顏面身家之人未可輕試蓋辱甚于殺一日之辱終身之恥也爲民上者慎毋以人終身之辱取快一時之忿哉或曰乃有置百二十斤之枷以待蠢豪者則將勿用乎夫置此枷亦猶置龍鬚板意置之正所以期於不用使其畏而不敢犯是寓至仁于大忍也若果奇兇大惡爲天地所不容神人所共憤者偶一施之所以示誅極而快人心又非所論于辱之而已

梏與鐐有鐵木之異因罪人強悍者每以木梏撞人今多用鐵鐐而鐐則繫于一足擺站徒夫繫以作工蓋防其鬼脫耳然梏鐐惟重犯乃用若婦人雖死罪例不加梏鐐爲其飲食便溺不可假手于人且以防他侮也此非刑雖設而用之有別乎刑杖夾拶之具皆竹木爲之新者質重而皮角尚存人之皮肉莫與相敵杖之下有如石壓堅實無聲夾拶之收有如虎咬筋骨俱折舊者質輕而鋒鋦漸去人之皮肉亦與相習下雖重腰柔膚滑迎擊則起收雖緊繩繩蕭鬆納踝而潤是新者之慘于舊者矣每見有司刑具多置檐堦之側散而不收受風日之曝吹則濕者漸燥

亦其全言
被雨露之淋潤則燥者亦濕倘一用之濕者之慘加于燥者數倍在用刑者亦不精心于燥與濕之有分也如用夾棍動刑之人若熟慣能事以三木扶正令受刑者之足直納孔中左右收繩由漸而緊則痛雖難忍血不奔心若鹵莽生手受刑者纔一納足彼便收繩三木動搖踝足立碎謂之曰死夾棍再加以濕者之慘性命有不傾殞哉何也燥者活動猶人而濕者呆重不靈也卽竹板柳梭之類無不皆然此非新舊燥濕之不同乎長民者宜以一切刑具擇一間房收貯或甬道兩旁皂隸房亦可用則取出用畢

收之卽命皂頭經管不許散置暴露抑亦仁人君子之心矣至于動刑之人受賄作弊生死在其掌握不惟重刑死人卽輕刑亦可死人不惟輕刑生人卽重刑亦可生人如行杖也皂隸爲仇家買囑先講銀錢或令斷筋或令殞命驗過受謝于是板用短厚打用縮頭聚擊一處血瘀成疔批割不愈性命隨之若專責腿灣筋斷骨癢終身殘疾及用小板將板頭點其腎子再加重打其人氣閉昏悶不死何待如用夾棍也材新式短簫緊高平收緊之時結爲死扣其能殞命宜矣卽棍選舊材製取長瘦似乎輕也不

知。蠶。皂。于。窩。中。暗。墮。磁。鋒。鐵。屑。甫。一。緊。收。而。鋒。屑。入。于。骨。
眼。痛。可。忍。乎。如。梭。指。杆。則。粗。繩。則。細。嘗。有。酷。官。封。梭。立。限。
事。完。始。放。至。有。竟。日。夜。不。脫。者。固。其。死。矣。更。有。杆。則。細。繩。
則。粗。訊。完。即。放。宜。其。鬆。也。孰。知。奸。皂。不。梭。指。而。梭。節。十。指。
骨。皆。碎。苟。倖。不。死。亦。屬。廢。人。男。子。不。能。耕。鋤。婦。人。不。能。針。
繡。何。其。慘。哉。如。枷。也。有。地。枷。有。立。枷。有。連。枷。地。枷。則。穴。坎。
數。尺。人。戴。枷。覆。坎。而。足。下。懸。立。枷。則。枷。懸。架。上。而。人。不。得。
蹲。坐。連。枷。則。兩。人。並。戴。而。行。止。便。溺。與。俱。此。皆。刻。毒。者。爲。
之。宜。乎。可。以。死。人。矣。然。又。有。行。枷。其。製。薄。小。可。戴。負。而。行。


無。難。也。孰。知。仇。奸。買。免。監。守。傾。仆。其。人。頸。喉。斷。絕。此。重。刑。
死。人。輕。刑。亦。可。死。人。之。謂。也。至。于。輕。刑。生。人。此。其。常。也。而。
重。刑。生。人。則。何。以。說。如。上。官。嗔。怒。喝。令。大。板。重。打。彼。奸。皂。
片。呼。號。執。板。高。擊。故。作。力。之。狀。及。其。到。臀。而。勢。反。輕。矣。
臀。上。平。鋪。其。聲。愈。響。雖。皮。開。肉。綻。而。骨。不。傷。氣。行。血。散。易。
于。平。復。也。至。于。夾。棍。官。府。不。知。以。爲。繩。新。簫。緊。者。爲。狼。夫。
棍。舊。繩。新。兩。不。相。貼。雖。收。亦。鬆。且。好。皂。于。舊。孔。擊。深。實。以。
油。蠟。遇。囚。之。執。漸。至。鎔。化。故。簫。雖。緊。而。蹀。不。受。傷。近。來。京。
師。有。事。犯。刑。部。者。知。其。必。夾。先。買。軟。骨。丹。一。丸。吞。之。而。骨。

刑真全書 卷之十一
隨其鬆緊。居然無恙。較之油蠟。不更無跡乎。其枷用之極重。原以懲其豪強。動經浹月始放。不知押出在外。晚皆褪落。打聽官府經過。則荷校道傍。闔退衙依然。開卸蓋枷。封多薄綿。連刷貼噴。以燒酒翹然可揭。此又非重刑亦可。生人之謂乎。夫刑有差等。分別而用。具有濕燥。謹其蓋藏。皆上官之可操。惟用有重輕。可生可死。則奸役之所主。且巨慙惡棍。于臨審時。買其心腹。充作皂隸。託名替身。用刑着力。送人性命。殊堪切齒。官長宜將刑皂各置名籤。下註年貌。于不得已而用刑時。掣籤。喚用如年貌與籤不合。卽

係私買心腹。立時究處。凡用刑。並不許替身代役。至于夾棍。亦宜選擇熟慣。另置名籤。註明年貌。臨時抽認。平日須嚴諭。凡用刑各役。敢有受賄。暗算人至死者。查出卽以算人之法治之。如此。則生死簿不得掌于若輩之手矣。然而有司聽審時。須詳加詰問。縱不得情。宜耐心靜想。不妨改日再問。或爲密訪。斷不可急躁。動性橫加刑法。每有犯人不能禁受。強爲誣服。或刑時之口供。及脫刑而又改。豈成信獄。或彼懼我刑。而服。及申解上。司復又滿口呼冤。上司視我爲何如官。夫嚴刑服罪。名爲煨煉。而成刻意。讞獄。何

莫深文爲擬。皆非虛公治事之道也。昔有當事聽訟兩造
紛。曉漫無剖斷。忽掀髯大怒。夾打盤庭。呼冤震地。嗟嗟豈
以百姓之肌骨皮肉。以濟問官之糊塗酷虐乎。不惟上逆
天和。下騰人怨。吾不知其讀書出仕。竟作何等觀也。○嘗
有州縣鞫盜。以盜爲可恨。但不承招。卽用夾棍。仍不招。再
加鞭打。亦不招者。何也。彼其心亦曰。法已盡于此矣。恣吾
一番便希出脫。此必黠賊買通承行。非准討保。卽思釋放。
如其不然。良懦之民。不能受此極刑。自然誣服。卽令是盜。
何妨詭供。以免一時之苦。而寧至於抵死不招。耶。此不可

不知也。說者曰。夾棍得力。全在將收未收之際。此時招爲
強盜。卽是真強盜。招爲人命。卽是真人命。夫人命與強盜
不同。人命所犯。或出素仇。或出一時忿激。自知罪莫可逃。
且事後未必無悔。故三木旋加。而口吐直供。若夫強盜。乃
虛心積慮。專在劫財傷人性。本究惡。豈肯一攏。卽招縱。或
有之。是又欲于解上打滾者也。此亦不可不知。



刑名彙編 卷之十一 終

